



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 4. Vtrum imperium & actus imperatus sint vnuus actus.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

## ARTICVLVS IV.

## Vtrum imperium &amp; actus imperatus sint unus actus?

<sup>13</sup> Conclusio est, Imperium & actum imperatum in genere moris esse unum actum, et si alioqui ratione naturæ valde different.

Ratio est, quia in utroque est eadem numero libertas (actus enim imperatus non est liber, nisi libertate actus imperantis) uterque codem rationis dictamine dirigitur, in utroque est eadem conformitas vel disiformitas cum recta ratione, eadem ratio virtutis & vitiis, honesti & turpis, meriti & demeriti, laudabilis & vituperabilis. Ratione tamen nature sunt valde distincti: Alter enim est spiritualis, alter corporalis, vel substantia genere distinctæ. Sicut anima & corpus sunt unum numero viuens, etiæ naturis valde discrepant: eadem enim vita viuit anima & viuit corpus. Actus autem imperans se habet ad actum imperatum tamquam anima & vita.

Nomen Imperij accipitur hic pro actu voluntatis efficaci, non autem pro illa locutione intellectus; quia haec locutio non efficit unum actum cum actu imperato: sed hoc proprium est actui voluntatis.

Notandum Primò, Hæc esse intelligenda de actu imperato, qui tantum est imperatus, & non elicitus à voluntate: qui enim elicitus est à voluntate, quamvis sit imperatus alio actu, habet tamen propriam bonitatem & malitiam, & propriam libertatem; ut patet, quando quis vult in seipso excitat actu contritionis, ut reconcilietur Deo; actu charitatis, ut Deo placeat.

Notandum Secundò, Quando quis imperat alteri, & ille ex imperio facit aliquid, illud opus externum comparari ad duplum actum imperantem, & cum utroque conferri unum actum in genere moris; ut patet cum quis dat eleemosynam per famulum. Illa enim eleemosyna largitio, quatenus procedit à voluntate Domini, constituit unum actum cum illa voluntate, à qua morali modo informatur: Ut vero procedit à voluntate famuli, est etiam unus numero actus cum illius voluntate. Etsi enim famulus se habeat ut instrumentum Domini; tamen est instrumentum suâ ratione & libertate prædictum. Hinc fieri potest, ut idem numero actus exterior sit bonus & malus, quatenus diuersis actibus voluntatis, à quibus procedit, informatur.

## ARTICVLVS V.

## Vtrum actus voluntatis imperetur?

<sup>15</sup> Affirmatur. Conclusio est, Actum voluntatis imperari posse. Ratio est, quia quidquid est in nostra potestate, potest nostro imperio fieri: atqui actus voluntatis sunt in nostra potestate. Idque verum est, sicut loquamus de imperio, ut est locutio (potest enim voluntas excitat seipsum per locutionem ut ameri, ut spereti, &c.) sicut ut est efficax voluntio; nam actus voluntatis potest esse directe voluntus alio actu.

Dices, Quando animus imperat sibi ut velit, iam vult; nisi enim vellet, non sibi imperaret ut vellet, ut inquit Aug. l. 8. Confess. c. 9. ergo frustra est illud imperium;

Respondeo Negando consequentiam. Primo, Quia etiamsi voluntas absolute nunc velit, amet, speret, doleat, potest tamen imperare, ut perfectius & ardentius hos actus praestet. Secundo, Quia qui sibi aliquem voluntatis actum imperat, iam vult quidem illum actum, non tamen hoc ipso illum habet, neque hoc ipso vult illud, quod per illum actum est volendum: Nam ex eo quod quis vult in se excitare amorem Dei, dolorem peccatorum, spem veniarum, non habet hoc ipso istos actus: neque expresse tendit in obiecta istorum actuum. Quare non frustra imperantur.

## D V B I V M.

## Quinam actus voluntatis dicuntur imperati?

<sup>16</sup> Respondeo, Omnes eos & solos dici imperatos, qui aliqua voluntate antecedente, ex cuius vi sequuntur, voluti sunt. Pater, Quia haec sola ratione actus aliarum potentiarum dicuntur imperati à voluntate: ergo etiam actus voluntatis dicentur ob hanc rationem imperati.

Hinc sequitur Primo, Actum voluntatis primum in quois negotio non esse imperatum, ut docet D. Thom. ad 3. quia illum non antecedit aliis actus voluntatis, ex cuius vi sequatur.

Secundò sequitur, actum cuiusvis virtutis non solum externum, sed etiam internum posse imperari, ut quavis virtute.

Probatur, quia qui vis actus bonus potest esse directe voluntus ex affectu cuiusvis virtutis (potest enim esse medium ad illam virtutem consequendam); ut ex affectu charitatis in Deum potest quis velle quousvis bonos motus & affectus interiores virtutum, & quousvis operationes carum exteriores. Ex affectu temperantiae potest quis excitat in se affectum charitatis, spei, fidei, religionis, & aliarum virtutum: quia hi omnes actus valent ad impetrandam temperantiam. Idem dicendum de ceteris virtutibus, quia omnis virtus valet ad impetrandum augmentum cuiusvis virtutis. Quia tamen aliarum virtutum actus natura sua ordinantur ad finem charitatis, scilicet ad placendum Deo; ideo imperare alijs virtutibus, conuenit charitati vi intrinseca, & quasi naturaliter; ceteris virtutibus per extrinsecam voluntatis ordinationem, quatenus in potestate voluntatis est uti actibus aliarum virtutum, tamquam medijs ad consequendam quamvis virtutem.

Adiuerte tamen, cile magnum discrimen inter actus internos voluntatis & aliarum potentiarum. Quia actus voluntatis non sequuntur immediate ex imperio voluntatis, sed opus est noua consideratione intellectus, ut proponatur illorum obiectum; quæ consideratione posita, adhuc voluntas est libera, ut eliciat actum imperatum. Actus vero aliarum potentiarum sequuntur immediate ex suis potentijs, posito imperio voluntatis; nec opus est noua consideratione intellectus. Hinc vterius fit ut actus imperati aliarum potentiarum contrahant nouam bonitatem vel malitiam ab actu imperante; actus autem imperati voluntatis minimè contrahant; ut infra dicetur.

## ARTI-